

## 890 Christgleubiger Seelen Brautschmuck/

March 22.  
Iohan. 14.  
Luc. 1.  
Ephes. 3.

entwenden/oder ja zweiffelhaftig zu machen/ sich ganz hart bemühet. Ich bitte dich von Herzen/du wollest mit deinen heiligen vnd guten Geiste mich stercken, daß ich deinen hellen klaren vnd deutlichen Worten/ wie sie lauren/ einfältiglich gleube/vnd im geringsten nicht zweifele/das dein warer Leib vnd Blut im heiligen Abendmal gewiß vnnnd warhaftig ge- genwertig seyn. Sintemal du ja warhaftig / ja die Wahrheit selbs bist/vnd bey dir kein ding unmöglich ist. Weil du über- schwenglich mehr thun kannst / über alles das wir verstehen: Dir sey Lob/Ehr vnd Preis in Ewigkeit.

Ich bitte auch/ O getrewter Heyland/du wollest vns/ vnd unsere Kinder/vnd Nachkommen/bey der rechten vnd gesunden Lehre vnnnd Gebrauch deines heiligen Abendmahls/ gnädiglich bis ans ende erhalten/ vnd für aller irrigen Lehre/ vnd verschlung [deines hochwirdigen Testaments Väterlich bewahren.

Ach bleib bey vns Herr Jesu Christ/  
Dieweil es Abend worden ist/  
Ach bleib bey vns Herr Jesu Christ/  
Dieweil das End nicht ferne ist.  
Dein heiligs Wort/das ware Liecht/  
Läß ja bey vns verleschen nicht/  
In dieser letzten bösen Zeit/  
Gib vns des Glaubens Beständigkeit:  
Dein heiligs Wort vnd Sacrament/  
Erhalt bey vns rein bis ans End.

A M E N.

Bom